



Saksutgreiing

Arkivreferanse: 2021/1652-12

Saksbehandlar: Øyvind Pedersen

Saksgang

Saksnummer	Møtedato	Utval
2022/21	15.03.2022	Hovedutval for miljø og samfunnsutvikling
2022/25	22.03.2022	Formannskap

Detaljreguleringsplan for flaumsikring av Bismo

Vedlegg

- 1 Planomtale for RP Flaumsikring Bismo_20220228
- 2 ROS for RP Flaumsikring av Bismo_20220228
- 3 Plankart_RP Flaumsikring av Bismo_A0_20220314
- 4 Reguleringsføresegner RP Flaumsikring av Bismo_20220314B

Saksutgreiing

Bismo ligg utsett til for flaum frå Ottaelva, og vart hardt råka av haustflaumen 14. og 15. oktober 2018. Flaumen førte til skadar på 30 bustadhus, 30 næringsbygg, sjukeheimen og fleire andre bygg. Det er i etterkant utført flaumsonekartlegging for å vise skadepotensialet framtidige flaumar kan ha for kommunesenteret, jf. figur 1. Skjåk kommune søkte i 2019 Norges Vassdrags- og Energidirektorat (NVE) om bistand til planlegging og gjennomføring flaumsikring.

NVE engasjerte våren 2020 konsulentfirmaet Dr. Blasy Dr. Øverland Beratende Ingenieure GmbH & Co. KG for å utarbeide et konseptforslag for flaumsikring av Bismo. Rapporten inkludert 4 vedlegg ble ferdig 09.04.2021: «Flomsikring Bismo – Hydrauliske beregninger og planlegging av sikringstiltak mot skadeflom». Rapporten inneheld ei detaljert beskriving og forslag til flaumsikringstiltak. Med bakgrunn i denne rapporten la NVE i mai fram eit forslag til tiltaksplan for flaumsikring av Bismo i juni 2021: "20648 Flomsikring av Bismo mot Ottaelva, Skjåk kommune, Innlandet fylke".

For å sikre Bismo mot flaum vert det i NVE sin tiltaksplan føreslege å bygge ei om lag 2250 m lang sikring langs Ottaelva bestående av flaumvoll i tre åtskilte parsellar og ein flaumsikringsmur forbi vassverket. Prinsippa for naturbasert løysning er lagt til grunn for planen. For å ta hand om vatn på innsida av flaumvollen føreslår NVE å etablere av ei drengroft og 3 pumpestasjonar. Tiltaket vil sikre tettstaden Bismo mot 200 års flaum inkludert klimapåslag på 20 %. Planen inkluderer også tiltak for å ta hand om vatn frå Fjukenbekken, mellom anna for å sikre Skjåkheimen mot flaumskadar. Her er

sikringsanlegget prosjektert i forhold til eit sikringskrav tilsvarande 1000 årsflaum pluss 40 % klimapåslag.

Formålet med reguleringsplanarbeidet er å legge til rette for at det praktisk og juridisk for at det kan bli anlagt eit flaumsikringsanlegg i samsvar med tiltaksplanen frå NVE. Reguleringsplanen omfattar innregulering av flaumsikringstiltaka og omfattar også areal for midlertidige anleggs- og riggområde som er naudsynte for å gjennomføre tiltaket.

Brev med varsel om oppstart av planarbeid vart sendt 13. juli 2021 til grunneigarar tiltaket kan få følgjer for, regionale/statlege instansar og organisasjonar med interesse i planarbeidet. Oppstarten vart kunngjort på kommunen si heimeside og med annonse i avisa Fjuken 15. juli 2021. Høyringsfrist var sett til 1. september 2021.

Det kom inn 6 uttaler/innspeil til oppstartsvarselet til reguleringsplanen. Desse er referert og kommentert i planomtalen som følgjer som vedlegg til saka.

Plankontoret legger med bakgrunn i dette fram eit planforslag til behandling for vedtak om utlegging til offentleg ettersyn og høyring. Reguleringsplanforslaget er samordna med og speglar av den nye tiltaksplanen for flaumsikringsanlegga frå Øverland/NVE slik den no ligg føre.

Med grunnlag i at reguleringsplanen også skal sikre tilstrekkeleg areal til riggområde og for anleggsverksemda, har ein måtte utvide planområdet noko i forhold til varsel om oppstart. Slike areal skal vere avlagt som midlertidige bygg- og anleggsområde på plankartet og vere tilknytt planføresegner. Mellom anna er planområdet derfor utvida til å omfatte eit areal ved Industrivegen og eit areal vest for Bellingsdalsvegen, GID 126/108. Begge areala er eigd av kommunen og er planlagt nytta til riggområde. Arealet ved Bellingsdalsvegen heng ikkje fysisk saman med resten av planområdet, men er likevel ein del av same reguleringsplan og er vist på plankartet. Retningsline for utarbeiding av reguleringsplanar, seier at det også må ligge reguleringsformål på dei områda som vert lagt ut som bygg- og anleggsområde, og dette er følgt opp i planforslaget.

I planforslaget omfattar da planområdet eit areal på 324,2 dekar, ein utviding på 19,4 dekar i forhold til området som vart varsla ved planoppstart.

Planforslaget består av følgjande dokument:

- Reguleringsplankart - digitale filer eller utskrift i målestokk 1: 1500 i A0-format
- Planføresegner
- Planomtale (dette dokumentet)
- ROS-analyse

For omtale av planen og verknadane av denne viser ein til planomtalen og ROS-analysen.

Vurdering

Etter kommunedirektøren si vurdering gjev dei vedlagte plandokumenta eit godt grunnlag for vidare behandling av framlegget til reguleringsplan for flaumsikring av Bismo. Denne vil danne grunnlaget for ei etterlengta flaumsikring av Bismo.

Kommunedirektøren si tilråding

Skjåk kommune vedtek i medhald av plan- og bygningslova § 12-10, jamfør § 12-14 første ledd, å legge forslag til "Detaljreguleringsplan for flaumsikring av Bismo", planid. 34330001, ut til offentlig ettersyn og høyring. Frist for å komme med uttale og evt. motsegn til planforslaget blir sett til minimum seks veker frå utsending og kunngjering på heimesida og med annonse i avisa.

PS 2022/21 Detaljreguleringsplan for flaumsikring av Bismo

Hovudutval for miljø og samfunnsutvikling si behandling av sak 21/2022 i møte den 15.03.2022:

Behandling

Samrøystes som innstillinga.

Vedtak

Skjåk kommune vedtek i medhald av plan- og bygningslova § 12-10, jamfør § 12-14 første ledd, å legge forslag til "Detaljreguleringsplan for flaumsikring av Bismo", planid. 34330001, ut til offentlig ettersyn og høyring. Frist for å komme med uttale og evt. motsegn til planforslaget blir sett til minimum seks veker frå utsending og kunngjering på heimesida og med annonse i avisa.

PS 2022/25 Detaljreguleringsplan for flaumsikring av Bismo

Formannskap si behandling av sak 25/2022 i møte den 22.03.2022:

Behandling

Det er gjort nokre mindre justeringar på dei endelege kartutkasta. Karta vart presentert på møtet. Tilleggspunkt forslag frå Stig E Banken, Ap, det blir lagt til rette for straumframføring til feks lyspunkt langs heile flaumvollen.

Samrøystes.

Vedtak

Skjåk kommune vedtek i medhald av plan- og bygningslova § 12-10, jamfør § 12-14 første ledd, å legge forslag til "Detaljreguleringsplan for flaumsikring av Bismo", planid. 34330001, ut til offentlig ettersyn og høyring. Frist for å komme med uttale og evt. motsegn til planforslaget blir sett til minimum seks veker frå utsending og kunngjering på heimesida og med annonse i avisa. Det blir lagt til rette for straumframføring til for eksempel lyspunkt langs heile flaumvollen.